

ԿԱՐԳ
«ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ՀԱՆՐԱԿԱՑԱՐԱՆՈՒՄ ՈՒՍԱՆՈՂՆԵՐԻ ԲՆԱԿՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է «Արցախի պետական համալսարան» պետական ոչ առևտրային կազմակերպության հանրակացարանում (այսուհետ՝ հանրակացարան) ուսանողների (բակալավրիատի, մագիստրատուրայի ուսանողներ և ասպիրանտներ) տեղաբաշխման և բնակվելու կանոնները:

2. Սույն կարգը կարող է լրացվել կամ փոփոխվել «Արցախի պետական համալսարան» պետական ոչ առևտրային կազմակերպության (այսուհետև՝ ԱրՊՀ) գիտական խորհրդի որոշմամբ:

II. ՀԱՆՐԱԿԱՑԱՐԱՆԻ ՏԵՂԵՐԻ (ՄԵՆՅԱԿՆԵՐԻ) ԲԱՇԽՄԱՆ ԿԱՐԳԸ

3. Հանրակացարանում կարող են բնակվել այն ուսանողները, ովքեր ունեն հանրակացարանի կարիք և փաստացի չեն բնակվում Ստեփանակերտ քաղաքում:

4. Հանրակացարանում առաջնահերթ տեղ է հատկացվում՝

1) գոհված (մահացած), անհայտ կորած զինծառայողների զավակներին,

2) երկկողմանի կամ միակողմանի ծնողազուրկներին,

3) հաշմանդամություն ունեցողներին,

4) 1-ին կամ 2-րդ կարգի հաշմանդամ ծնողներ (խնամակալներ) ունեցողներին,

5) ամուսնալուծված ծնողներ ունեցողներին,

6) բազմազավակ (3 և ավելի անչափահաս կամ սովորող երեխաներ ունեցող) ընտանիքների զավակներին,

7) սոցիալապես անապահով ընտանիքների զավակներին,

8) ԼՂՀ հեռավոր բնակավայրերում, ՀՀ-ում, այլ երկրներում փաստացի բնակվողներին,

9) այլ կարգավիճակ ունեցողներին՝ ռեկտորի որոշմամբ:

5. Հաշվի առնելով հանրակացարանի հնարավորությունները և ուսանողների ցանկությունը՝ միևնույն սենյակում բնակվել կարող են նրանք, ովքեր

1) հարազատ քույրեր (եղբայրներ) են,

2) երկրորդ սերնդի քույրեր (եղբայրներ) են,

3) նախկինում բնակվել են հանրակացարանում և աչքի են ընկել ներքին կարգուկանոնի հստակ պահպանմամբ, պարտականությունների բարեխիղճ կատարմամբ,

4) սովորում են բարձր առաջադիմությամբ (ունեն 17-ից բարձր ՄՈԳ),

5) սովորում են միևնույն կուրսում (ուսանողական խմբում):

6. Հանրակացարանի տեղերի (սենյակների) բաշխումն իրականացվում է մինչև ուսումնական տարվա սկիզբը՝ օգոստոս ամսում:

7. Ազատ տեղերի առկայության դեպքում հանրակացարանում կարող են բնակվել նաև ԱրՊՀ հեռակա ուսուցման բաժնում սովորող ուսանողները, այլ ուսումնական հաստատությունների սովորողները՝ տվյալ հաստատության ղեկավարի գրավոր միջնորդությամբ, ինչպես նաև այլ անձինք (այլ երկրներից և բուհերից հրավիրված ուսանողներ, ընդունելության քննություն հանձնող դիմորդներ, նրանց ուղեկցող անձինք): Այլ ուսումնական հաստատություններին և այլ անձանց հատկացվող տեղերի չափաքանակները որոշում է ռեկտորը:

8. Հանրակացարանում բնակվելու ցանկություն ունեցող ուսանողը օգոստոսի 1-ից մինչև օգոստոսի 25-ը ընկած ժամանակահատվածում անձամբ ներկայանում է ուսանողական վարչություն, ստորագրությամբ ծանոթանում է սույն կարգի պահանջներին, լրացնում սահմանված ձևի դիմում՝ կցելով հետևյալ փաստաթղթերը.

1) տեղեկանք փաստացի բնակության վայրից,

2) տնդեկանք ընտանիքի կազմի վերաբերյալ,

3) միջնորդագիր տվյալ ուսումնական հաստատության ղեկավարից (այլ ուսումնական հաստատության սովորողը),

4) 2-րդ բաժնի 4-րդ և 5-րդ կետերի պահանջները հավաստող փաստաթղթեր:

9. Սահմանված ժամկետներում դիմում չներկայացրած ուսանողը կորցնում է 2-րդ բաժնի 4-րդ և 5-րդ կետերով նախատեսված առաջնահերթություններից օգտվելու իրավունքը:

10. ԱրՊՀ ուսանողական վարչությունում իրականացվում է մուտքագրված դիմումների հաշվառում, կազմվում ցուցակներ՝ 2-րդ բաժնի 4-րդ և 5-րդ կետերում նշված առաջնահերթությունների համաձայն: Դիմումները և ցուցակները օգոստոսի 25-ից հետո՝ երեք աշխատանքային օրվա ընթացքում, ներկայացվում են ուսանողների, շրջանավարտների և հասարակայնության հետ տարվող աշխատանքների գծով պրոռեկտորի համաձայնեցմանը, այնուհետև՝ ռեկտորի հաստատմանը:

11. Ռեկտորի կողմից դիմումի մակագրումից հետո ուսանողը հաշվապահության դրամարկղում, ըստ ցուցակների, կատարում է սահմանված չափի վճարում և մինչև ուսումնական տարվա սկիզբը վճարման անդորրագիրը ներկայացնում հանրակացարանի պարետին՝ նրա հետ ստորագրելով գույքի ժամանակավոր օգտագործման համար նյութական պատասխանատվության մասին պայմանագիր: Առկա փաստաթղթերի հիման վրա հանրակացարանի պարետը լրացնում է մուտքի օրդեր՝ նշելով հատկացվող սենյակը: Այն վարչական աշխատանքների գծով պրոռեկտորին ներկայացնելուց և նրա կողմից հաստատվելուց՝ կլոր կնիքով կնքելուց և ստորագրելուց հետո տրամադրվում է ուսանողին:

12. Ռեկտորի կողմից հաստատված ցուցակները և դիմումները պահվում են վարչական աշխատանքների գծով պրոռեկտորի մոտ:

13. Հանրակացարանում տղաներն ու աղջիկները բնակեցվում են տարբեր սենյակներում և մասնաբաժիններում: Տարբեր սեռի ուսանողներին նույն սենյակում բնակեցնելն արգելվում է:

14. Հանրակացարանի տնդի վարձավճարի չափը (առանց էլեկտրաէներգիայի) 2014թ. սեպտեմբերի 1-ից տասն ամսվա համար կազմում է 65 (վաթսունհինգ) հազար դրամ: Այն կարող է փոփոխվել՝ պայմանավորված բնակության պայմանների էական փոփոխություններով: Հանրակացարանում ժամանակավոր բնակվող անձանց համար կարող են սահմանվել վճարման լրացուցիչ պայմաններ՝ ռեկտորի որոշմամբ: Մուտքի վճարը 1 անձի համար չի կարող պակաս լինել մեկ ամսվա վարձավճարի չափից:

15. Եթե ուսանողը սահմանված կարգով տնդ է զբաղեցրել, սակայն փաստացի չի բնակվել հանրակացարանում կամ բնակվել է տասն ամսից քիչ, ապա կարող է գրավոր դիմում ներկայացնել ռեկտորին՝ նշելով պատճառները: Առանձին ղեկավարում (հիմնավոր պատճառների առկայության դեպքում) մուծված վարձավճարը ռեկտորի հրամանով կարող է հետ վերադարձվել՝ դիմումը ներկայացրած ամսվան հաջորդող ամսից վերահաշվարկ կատարելով:

III. ՀԱՆՐԱԿԱՑԱՐԱՆՈՒՄ ԲՆԱԿՎԵԼՈՒ ԿԱՆՈՆՆԵՐԸ

16. Հանրակացարանում բնակվող ուսանողներն իրավունք ունեն՝

1) օգտագործման նպատակով հանրակացարանի պարետից ստանալու բնակվելու համար անհրաժեշտ պարագաներ և գույք,

2) սահմանված կարգով օգտվելու հանրակացարանի ընձեռած հնարավորություններից, այդ թվում՝ ընթերցասրահից, հանգստի սենյակից, խոհանոցից,

3) պահանջելու հանրակացարանի սպասարկող անձնակազմից բնակության և հանգստի բնականոն պայմանների, անհրաժեշտ կարգ ու կանոնի ապահովումը,

4) տնդեկանալու իրենց մասով վճարման ենթակա էլեկտրաէներգիայի վարձավճարի և այլ դրամական մուծումների գոյացման պայմաններին,

5) սահմանված կարգով իրենց սենյակներում ընդունելու ծնողներին, հարազատներին, ծանոթներին,

6) տևական ժամանակահատվածով հանրակացարանում չբնակվելու և սենյակի բանալիները սահմանված կարգով պարետին հանձնելու դեպքում նրանից պահանջելու անձնական իրերի անձեռնմխելիություն,

7) իրենց խնդիրների ներկայացման և իրավունքների պաշտպանության նպատակով ընտրելու ներկայացուցիչ ուսանողական վարչությունում՝ խորհրդակցական ձայնի իրավունքով:

17. Հանրակացարանում բնակվող ուսանողները պարտավոր են ենթարկվել ներքին կարգուկանոնին, այդ թվում՝

- 1) պահպանել քաղաքացիական համակեցության կանոնները,
- 2) հետևել հանրակացարանի ներքին կարգացուցակին (ռեժիմ),
- 3) արգելք չհանդիսանալ մյուս բնակիչների սովորելուն և բնակվելուն,
- 4) խնամքով պահպանել գույքը և մաքրությունը, թե՛ սենյակում, թե՛ ընդհանուր օգտագործման վայրերում (միջանցքներում, զուգարաններում, հանրակացարանի շրջապատում),
- 5) մինչև յուրաքանչյուր ամսվա 15-ը վճարել նախորդ ամսվա էլեկտրաէներգիայի վարձի իր չափաբաժինը, որը որոշվում է հաշվիչի տվյալներին համապատասխան առաջացած գումարի և սենյակում բնակվող ուսանողների թվի հարաբերությամբ,
- 6) հետևել սանիտարական և հակահիդրոնային անվտանգության կանոններին,
- 7) կատարել հանրակացարանի պարետի բոլոր օրինական պահանջները:

18. Հանրակացարանում բնակվող ուսանողներին արգելվում է.

- 1) աղմկել, աղտոտել շրջապատը կամ կատարել գործողություններ, որոնք կարող են խոչընդոտել հանրակացարանի բնականոն գործունեությունը,
- 2) առանց հատուկ թույլտվության կամ ծայրահեղ անհրաժեշտության ներկայանալ կամ դուրս գալ հանրակացարանից ժամը 24:00-ից մինչև հաջորդ օրվա 6:00,
- 3) ժամը 22:00-ից հետո պահպանել հանրակացարանի անդորրը:

19. Սույն պահանջներին չհետևելը կարող է դիտվել որպես վարչական և քաղաքացիական իրավունքի խախտում՝ հանգեցնելով պատասխանատվության:

20. Հանրակացարանի պարետի ցուցումով բոլոր մասնաբաժիններում ընտրվում է ավագ, որը պարտավոր է հետևել տվյալ մասնաբաժնի ներքին կարգուկանոնին, կարգավորել բնակիչների համակեցության հետ կապված հարցերը:

21. Հանրակացարանին նյութական վնաս հասցնելու դեպքում ուսանողը սահմանված կարգով ենթարկվում է նյութական պատասխանատվության՝ հասցված վնասը փոխհատուցելով համարժեք դրամով կամ իրով:

22. Ուսումնական տարվա վերջին հանրակացարանում բնակվող բոլոր ուսանողները, ինչպես նաև ուսումնառությունն ավարտած կամ ուսումնական հաստատությունից հեռացված ուսանողները պարտավոր են Երեք օրվա ընթացքում կատարել բոլոր սահմանված վճարումները, ըստ ամրագրման ցուցակի և պարետի կողմից սահմանված կարգի հանձնել հատկացված գույքը և ազատել հանրակացարանային տնոցը (սենյակը):

23. Հանրակացարանում բնակվող ուսանողի միջնորդությամբ, անձնական պատասխանատվությամբ, անձը հաստատող փաստաթղթի ներկայացմամբ և պարետի թույլտվությամբ օրվա ցերեկային ժամերին ուսանողին կարող են այցելել ծնողները, հարազատները, ծանոթները: Վերջիններիս կողմից հանրակացարանի ներքին կարգուկանոնի կոպիտ խախտման դեպքում միջնորդություն ներկայացրած ուսանողը կարող է ենթարկվել պատասխանատվության՝ ընդհուպ մինչև հանրակացարանից հեռացում:

24. Կողմնակի անձանց գիշերելը հանրակացարանում խստիվ արգելվում է:

ԱրՊՀ շնկտոր _____ ին

ԱրՊՀ _____ ֆակուլտետի

_____ մասնագիտության

(այլ ուսումնական հաստատության)

առկա (հենակ) բաժնի _____ կուրսի ուսանող (ուհի)

_____ ից

Ա. Ա. Հ.

Հասցե _____

Հեռախոսահամար (նր) _____

ԴԻՄՈՒՄ

Հայտնում եմ Ձեզ, որ _____

(նշել հանրակացարանում բնակվելու համար հիմք հանդիսացող առանձնահատկությունները)

Խնդրում եմ ինձ տեղ հատկացնել ուսանողական հանրակացարանում:

Ցանկություն ունեմ նույն սենյակում բնակվելու _____

(նշել լրիվ անուն, ազգանունը, հարազատական կամ այլ կապը)

Ծանոթացել եմ ուսանողական հանրակացարանում բնակվելու պայմաններին և սահմանված կարգին, բնակվողի պարտականություններին և անձնական ստորագրությամբ պարտավորվում եմ կատարել դրանք ամբողջ ծավալով:

Դիմումին կցված եմ փաստաթղթեր՝ _____ էջ:

դիմող՝ _____

անձնական ստորագրություն, ընթերցելի

ամիս, ամսաթիվ « _____ » _____ 20 թ